



津門雜事詩序

天津郡新而地古禹貢逆河漢書沽水由泉州入海水由章武入海其地也晉魏以下漂榆津角飛城豆子醜諸蹟則文詳矣金置官天津河元建海津鎮明永樂初立衛設官建城郭乃成畿南都會時居其地者不過勳戚將弁卒徒販負而已雖有前朝典故無過而問者萬曆間觀察胡君創為衛志典雅稱善本今已不可得外史家臆說乃多即如古達河或謂在今鹽山或以為在津之中堂窪不知鹽山之河為宋時東流之道中堂窪河形則宋後洩衛水之地非古逆河蓋自禹河南徙

序

一

衛水行其故道從直沽歸壑今直沽海口潮日逆以上白露前海不收水夏秋新漲多壁立或逆行而西以達河之可証者坐文獻不足乃得逞其斷斷耳西顛遊天津當置郡初三年遊覽所至考訂博而核大小益識而一寓之于詩以實新邑文獻之權輿非徒為北海風雅樹大幟而已抑余嘗疑酈道元碣石淪海說辨之不下數千言閱海門百里句又不覺自怪其聚訟矣東壁吳廷華

詩與史相表裏小史掌邦國之志外史掌四方之志即所謂國史也十五國山川風土人事物產意必太師陳詩而後悉其詳而掌之者惟國史今觀三百篇所載不惟原本山川極命草木而一時朝廷設施閭巷事蹟以及前古之流風餘澤莫不具見故曰國史明乎得失之迹先王使天下風聲習尚瞭如指掌於以美風俗而成教化者此也賦者古詩之流三都兩京沿此而作以為一方故實至樂府吳趨會吟之類尚仿佛國風遺音焉汪子西顛具良史寸僑寓津門修輯郡志纂集之餘為津門雜事詩百首稽核精詳鉅而

序

一

國典細而蟲魚卉木有關掌故者悉具于篇俾後世考古之士凡墜典軼事他書蒐輯所不及胥于是弋獲焉網羅放失之功斯已勤矣矧其風調道逸雜誦一過淵淵作金石聲何減古之風人歟汪子學極奧博必詩特其緒餘異曰紬書石室綜職方所屬勒成典章以裨化理追配三代以上史官是編也其為先聲也歟乾隆己未八月晦日同里弟鄭江序

古之名人學士車轍所經往往出其才華以歟山川之靈秘草木鳥獸之恠瑰而此邦之風土物宜舊聞往事尤喜網羅散佚以成一家言若吳地記桂海虞衡志岳陽風土記諸書其尤著者也亦有發為詩歌以寫其林水風物之勝少陵秦州諸什蒼茫感慨獨絕詞場宗元以來代多名詠大概命意高遠則有闕風教微据確實則不惑異聞並能垂之久遠而不做其餘作者則等諸自檜無譏焉徵士汪君西顛編輯天津郡邑兩志具有體要既竣事將歸武林出所著津門雜事詩百首見示予愛其文繁理富佩實銜華首紀

序

一

皇朝之愷澤繼辨前史之舛譌沿革釐然興替互見間傳一二軼事亦足以考鏡得失用資激勸非苟焉已也夫立言為三不朽之一古人以下筆不闕名教不作可焉世之雕章繪句者率以浮艷為能做一生心力窮極工巧究於世道人心何所裨益甚或遭逢未偶輒作騷屑之詞以抒其佻傑不平之氣於風人溫柔敦厚之旨不亦遠乎汪君驚才績學遇合猶遲觀其詩既不浮靡以悅俗亦無煩懣以拂性和平蘊藉酷似其人風颯乎正始之音也三津北接神京東濱大海自故明設衛止修武備而生齒未繁文教未興今者海宇寧謐民俗敦

龐人才蔚起，覩明文物之盛，迥殊前代。非國家休養  
生息涵濡百年之久，其何能若是。讀其詩，足以徵風會  
之隆；六司土者之幸也。汪君他日讀書東觀，携此以備  
國史之採錄，當與陸范諸公之書並傳，即以補郡邑  
兩志之所未備焉。可也。為序其詩，以送其行。  
乾隆己未秋九月，桂林弟陳弘謀書於津門官署。

序

二

直沽七十二水發源於狐奴灑渠潴壅環注數縣其南  
與河通波北濱大海芟葦蠃蟹之利甲於畿甸以形勝  
計六一大都會也間嘗鬱懷古之情身歷其地無深巖  
大谷可以寄瞻眺之用訪求其風俗其地著於此者貴  
耳而賤目或則志汰體侈薄雕蟲而不屑為至若賓用  
既萃舟車刺促推襟送抱之餘又不暇以搜采為能事  
以故津自新邑于此雅道之壇坫仍榛狂而未有所闢  
吾友汪君西顥滯滯是邦載離寒暑有南湖賢令君以  
為之囊橐而蒐討有藉有水西查氏以恣其游息而酬  
唱不孤參稽地乘溢為聲詩意主於揚厲風騷表章士

序

一

女正習俗之譎著土風之異蓋以詩傳事非以事為詩  
也夫山川窳窳城邑隱賑攬奇紀勝之什遽數不能終  
物大抵詳南而略於北津門地非阻僻當前脩既旌墜  
簡就湮之會其緒積數百年而未出西顥一客卿耳一  
旦抽妍騁秘抉發之而無所餘豈非談藝者之權輿省  
方者之惇史乎力不能家到而戶說是宜大書深刻磨  
厓石以不朽惜乎此地無深巖大谷可以供碑材也乾  
隆四年太歲在己未九月朔松里學人杭世駿書

詩之合乎史也不獨雕刻衆形貴一時觀聽蓋將搜墜  
棄之簡訂疑似之編而後所咏所歌有所繫以為重家  
查浦老人嘗作燕京雜咏百四十餘首其間繁稱博引  
不惜演迤其詞而開卷數章于黃金臺紫潒川諸處尤  
深致意蓋知訪古憑今最重者時地之大而為歲華紀  
譜蟲魚作牋猶後焉者也汪子西顥來海津館予香雨  
庫吟咏之暇時為鄧外游凡所見聞悉以詩傳之三年  
紀雜事有百其言自碣石東淪大河南徙夾右北播之  
蹟益湮直沽非古局久矣然酈道元注水經尚傳天橋  
柱之舊宋志河渠多載北流遺跡典故不可沒吾亦竊  
序

比之云爾蓋其用意與查浦老人同而其諮詢之難網  
羅之不易則又百倍于燕京者也西顥家西湖今歸將  
卜居卷塢余亦志西湖久擬築一廬于湖側時從之游  
數百年來婆留開國之基建炎偏安之地城鄧不移山  
川如故西顥其又當一一告我也乾隆己未重九後二  
日榆岱查學禮

題詞

午晴樓外柳絲絲聽罷霓裳晏坐時誰似先生襟抱好  
月明露冷譜新詩 握槩新成外史書更徵掌故注蟲

魚重游好識浮天狀便上神山紀宅盧信天葛正笏

海津風月賴平章百首詩成萃衆芳他日輶軒憑入告

一時騷雅有錢塘 汀花岸柳足婆娑獨少層宙可若

何好上丹梯憑遠望 查氏別業  
有小丹梯蓬瀛渺々接烟波 葛沽

芳草燦如茵荏苒三年滯軟塵他日明光繁疊處馬蹄

輕趁九街春 臨安城外鷺濤雄千里湖山一棹通有

約水西重到日西施乳白小桃紅玉茗王廷琬

題詞

一

翾羽揚光采亭明映琅玕橫絕安西隣滄溟渤澥寬天  
風迴遠聲中路清且寒銜書激虛照琉璃堆波瀾幽蘭  
別庭草喬柯植高山結根良有因芳菲寂無言不辭霜  
雪欺豈競桃李顏振策起長望綠水搖空連驅烟出海  
霧雅麤騁心田懷古契何深朗吟唯長川落葉下平林  
秋風際其顛寒蟬與飛鴻聲在遠近間白雲趨吳會一  
注不可攀漣水程茂

郡邑雖新設津門故蹟多輿圖遺采輯風雅博搜羅少  
海收諸水秋潮湧逆河古今人物好百首付高歌雪柯

劉文煊



採綴多憑圖史新次分析未定天津庶魚庶草都堪紀  
川谷神奇更海人 靈區風物百篇垂境擬蓬瀛係我  
思七十二沽如可汎他年來補竹枝詞谷林趙昱  
三津志已搜書庫百首詩還灑墨卿我愛槐塘真健者  
神珠屢向睡龍爭楓溪余懋楬

滄溟風物拾遺聞握手先吟冰雪文能使直沽添景色  
學窮三篋獨輸君 故園曾共補圖經便向縹緲奉典  
型又見津門歌軼事居然北海並西泠 州府今知建  
置新元時邊色尚黃塵羌無故寔增奇筆藉尔紛綸并  
大春 千尋玉海滙星波網汚珊瑚幾尺柯載向歸裝

題詞

供賞識一編相索解人多石帆周長發

二

歎歎乎哉惟天席地拓文室於八絃餞往賓來轉雙丸  
於一瞬是以經遊灞滻撫暮景而如疑繼珥貂璫感涼  
飈而欲訴雖曰棲神域外因知造物之奇抑六插脚塵  
中始識居家之樂所貴升高能賦觸械成詩凌暴風雲  
賴孟郊之苦語鐫錢金石須韓愈之豪才揚子雲握槩  
懷銘五方並輯左太沖徵文考獻一紀乃成是皆意氣  
遒騫襟期朗散攬有情之世宙其可無辭扁不朽之名  
山而誰與語況乃鬱蔥佳氣誦蕩高閭涿麻塵清星旗  
淨掃盧龍水濶畫鷁橫飛展風日以酌衢尊撥煙霞而

辨石鼓山邊雪片解學我之簾豪市裏酒徒宵憐人之  
急難斯則汪子百篇所為作也嗟夫年華易逝才命難  
兼三則足以何傷十上書而未屑縣齋句好我輩何顏  
春草吟工誰人不識清尊紅燭多在悲歌慨慷之場暮  
雪晨雞無非甲乙丹黃之役碎珊瑚以架筆鏤玳瑁以  
裝書曰近長安音遐空谷掛冠徵士未忘朝天賣藥仙  
人終能縮地乃者重雲霑霽坐掩瞻光一雨淋漓行摧  
菊蕊十六州煙霏萬狀腕下平吞三千里歌管扁舟籠  
中傾吐直恐南溟大鳥遂息意於鼓鐘可堪東海鰻魚  
徒拜恩於烟水然而松蘿低舉飛蓋斯存谷鳥喧迎鳴

題詞

三

騶何待綰泉紳之脩潔佩石劔之軒昂窄窄烏巾豈有  
束躬禮數飄飄宦蹙曾無拂面風埃臣不如人卿宜念  
我頭惟欠白曹騰四十年眼自常青寥落二三知己  
墜無惱還鄉之夢征鴻繫將淚之書入手微名換却堂  
堂歲事出山小草拋殘灑灑湖光故知隱或在朝直荒  
唐而難信仕猶兼學太勤苦而無功辱賜封題紛勞感  
激鑄金座右觸風雨以神來打鼓津頭挾心魂而飛去  
白山陳兆崙

同游三載挾飛仙竄愛清詞字字妍一邑舊聞勞撫拾  
百篇新咏喜流傳欲携譜去調絃管行採風來入史編

莫戀西湖烟水好玉堂雅奏待如祿七峰周焯

海上華區燕南繡壤雕談妙辯難摹狀吟壇有客擅新  
聲百篇譜出推無兩錦爛鮫宮珠明龍藏朝來競向  
閒窓賞衡陽紙價近如何尊前好聽雙鬢唱調寄踏  
莎行月樵余尚炳

酒痕午夜蘸襟多黑堡城頭月似梭願乞離堂十日任  
百篇都付雪兒歌姓籍烟沉不可求勞君掌故費冥  
搜他年省識經行處歌枕風軒當卧遊淺山趙賢

雍奴舊壤偏壯雄風渤海之間依然都會絳宮明滅控  
遠勢於蓬萊滄嶼縱橫渺重波於碣石津延析木地觀  
題詞

四

河宗抱北斗之高城光連紫極煥西京之三輔宅近神  
臯况乎都尉旌旗水犀映雪司空畚鍤竹捷連雲畫圖  
則景勝新林樂府則歌傳佑客問莫愁之渡揚柳藏雅  
登華子之岡茱萸成汎江東才子投履爭來鄴下詞人  
停車不去吾友槐塘尚書筆札未凌司馬之雲海國烟  
波偶躡邠原之屣臨河鉅節擊物長吟非惟託興于山  
川何假登城以眺悵從風咳唾忽得百篇落傘雲霞俄  
騰五色體乃蕪乎騷賦事足備于圖經魚字堪呼既如  
尔雅蟬螯若礪實驗周書荆楚歲時之記咲宗慄之無  
才益州異物之銘知宋祁之遠謝貽諸好事當從得意

而傳流入中邦定貴黃金之價璫臺齊古南

白河東下水盤紆囊錦新開大直沽劈地口南羅海藏  
二千八百夜光珠 如意舟新蕩碧漪春風潑面解催

詩倒殘一斗麻姑酒楊柳青邊譜竹枝

水西主人  
有如意舟

念持姚

世錄

瞿塘春水隋堤樹半屬楊枝半竹枝爭似槐塘新樂府  
自傳燕筑付紅兒松山黃祐

直沽風景年年好懷麓堂詩遠擅場愛爾百篇凌八詠

明珠一串壓歸裝

明李東陽有天津八景詩載懷麓堂集

虞衡桂海詳方

物者舊襄陽錄逸民不及槐塘街上客別翻花樣墨痕

題詞

五

新 菟竒補俠推詩史莫作模山範水看他日輜軒如  
採取圖經重付棗梨刊蓮坡查為仁

畿南名勝問而今掌故誰能傳述冷落百千年裏事一

手荆榛獨闢姓籍烟沉殘碑蘚斷費盡搜遺力新編排

比真成珊瑚遙擲 應念獨客三年圖經細補餘興搖

吟膝沾水東西七十二自滌君家筆筆健挾河聲雄吞

海色括取歸囊篋角飛城外幾時同話游歷 調寄念

奴嬌對鷗陳皋

地富魚鹽好卜居土風編緝創成書閒吟更与添詩話  
百首新辭補志餘 濁漳清濟滙通津都邑繁華聚五

民檢點盡教成韻語采風他日付道人 別來佳句滿  
奚囊篇什封題遠寄將不獨圖經譜列宿展看詩筆燭  
天黃 單棹曾來及暮秋訪君悔不久淹留而今那用  
移舟楫一燈新詩當卧遊金門金文淳  
先生舊是西湖長覽勝閒遊沽水湄湯道水經添注畫  
更留餘藻譜新詞泰瞻趙松

百首新吟傳誦遍清光歷々抵水壺他年好事摹詩意  
補作津門屋邑圖 手紀一編稱信史更搜風雅入瑤  
篇薊邱別有堪吟處未許棊書枕小眠小眠西顯  
所居齋青莎姚  
立德

題詞

六

移家西潞幾歲秋風度篆水樓前雙白鷺猶認當年來  
處 城邊舊事輸君閒窓網遍遺文昨夜壺盧魚上吟  
聲吹到河濱 調寄清平樂 靈齋胡齋烈

天津城東秋水消浦淺沙平生暗潮潮生不礙夜船過  
明月如霜吹洞簫就中有曲清於玉云是汪倫新製曲  
百年耆舊一城烟星斗離々棊在局憶昨別君沽水西  
水西楊柳千枝低黃姑魚長留還瘦紫芥花繁擷未齊  
江南歸去清波順梅雨連村書屋潤綠車停處女桑稀  
秧馬忙時大麥盡却憶津門此日長疊符爭鬥絳紗囊  
梨名香水應先實瓜豨高爾得早嘗

二物皆天  
津所產

欲賦新詩

諄故里迨遠夢隨烟水誰料南湖十幅帆秋來重向  
津門指白雁成羣候已深銀鈴小菊綴疎林把君詩卷  
千番讀忘我他時在烏吟普陀寺北寒風發遠浦凝冰  
沙露骨我正來時君又歸繩床誰共玻璃滑宛轉獲梭  
織歲華試燈時節又箏檀痕競畫新番譜不唱年年  
倒採茶柘坡萬光泰

題詞

津門雜事詩

錢塘 汪沆

西顛

公機杼巧

桃花寺外桃老樹春去猶迎鑿輅開莫訝天

紅雲要護翠華來

聖祖仁皇帝御製前過浙江桃卷已放今回鑿至津門  
淺見桃花盛開調寄點絳脣詞再見桃花津門紅映  
依然好回鑿終到疑似兩春報錦纜仙舟星夜  
辰曉情飄渺艷陽時媚不是垂楊老 桃花寺在城  
北二十里

下杜鶯花二月稠白頭父老感 宸遊承恩不獨黃衣

貴親拜天厨出鳳舟

天津為三輔重地屢邀  
駐蹕康熙四十四年

津門雜事詩

一

聖祖南巡舟次楊青驛道旁士民咸賜克食

朱欄粉堞切雲端如練河流繞郭蟠兩字衛安頌 睿

藻從今不數賽淮安

天津城歲久傾圮雍正三年重葺 西門衛安  
憲廟 欽定名 前明衛城永樂間工部尚書黃福平江  
伯陳瑄寺築時稱賽淮安城

天津名自長陵錫三衛新軍駐羽旂却恠後人多傳會

紛紛耳食是耶非

明成祖永樂二年設天津三衛始有天津名 按  
天津本闕名在良鄉北或云永樂設衛後因將天  
津闕名移直沽靜海志云金史有天津河故名或  
云成祖駐蹕於此因名姚廣考謂女宿上有天津  
九星占應小直沽以此得名

海津作鎮劇蒼涼七姓殘元始啟疆為問咬見同朶罕  
阿誰數典不曾忘

元史延祐三年置海津鎮於直沽舊志稱天津初心七姓李咬見只朶罕皆設衛時所徙官籍

豆子甌邊夜射魚潮痕初上柳風疎千年劉格菱夷後  
金鏃猶耕山廢墟

地理今釋豆子甌今鹹水沽隋書豆子甌負海帶河地形深阻大業七年劉霸道聚眾於以方興紀要大業十二年賊帥格謙據豆子甌稱燕王王世充擊斬之

三方列戍儼星羅安不忘危廟筭多新試水犀非耀  
武太平久已息鯨波

天津地當少海西隈萊登遠陽左右相望內設有總兵營以為特角雍正四年復置水師都統營於

津門雜言詩

蘆家背窠為三方之中權

船鳴周遭百丈强常扁錦纜与牙檣官家勤政希遊  
豫閒然黃頭鼓櫂郎

皇船鳴在天津關口水圍脚用龍舟俱貯此鳴

白衛爭趨三會流治河使者展全籌放淤一記宏方略  
倚柱休懷漆室憂

白衛二河水同會三岔口入海三會口即三岔河見杜氏通典雍正八年設立北路河院每以九列大臣任之陳榕門觀察著有南運河放淤記隄防疏濬指陳盡善載郡邑二志藝文

淀分三角綠於醅渙弟漁兄扶艣來記得冥冥疎雨裏  
似噓蜃氣作樓臺



燕山叢錄三角淀云是舊城陰晦之夕漢人多見  
城堞市里人物填集

海門百里莽無垠往藉爭疑碣石淪解得逆河歸宿地

笑他聚訟總庸人

聖祖 畿輔通志渤海在縣東南一百十里  
仁皇帝御製畿服格物編天津為同為逆河入海  
之道 水經注逆河碣石皆淪於海

辛苦何辭稅稻輸樓船萬斛轉東吳黑風幸免吹兒墮

釀酒椎牛祭直沽

元朱瑄張驛創議海運歲輸江淮米三百餘萬石  
得便風十數日即抵直沽

帕首鞭刀意氣雄小侯只愛說從戎百年文教成鄆魯

繞郭書檄燈火中

津門雜事詩

三

明三衛子弟並習武備設有武學  
國朝政府設縣以後人文蔚興

藍田雨過稻花香吠蛤聲中趁夕涼喚作小江南也稱

僧衣一帶抱廻塘

藍田在城南五里康熙間總兵藍理所開水田也  
河渠圩岸周數十里名浙閩農人課種其間得田  
二百餘頃車戽之聲相聞遍野土人號為小江南  
云今燕

水毀金穰肯偶逢 帝籌艱食拯三農北倉倉外恩如

海一派懽聲徹九重

詔建 雍正二年  
倉廩若干聞於天津北倉每遇水澇截留漕糧數  
十萬石以備散賑窮黎騰飽如履豐年

聖德懷柔感百神洪波靜晏不揚塵兩朝 御墨酬庸

重席卧龍跳蠱翠珉

天津舊有海神廟康熙雍正間屢加脩葺

聖祖 世宗俱領 御製碑文靜洪波呀賜廟額也

櫟楸頻乘度土切嘉禾雙穗報年豐議勳自合崇禋祀  
不為天潢私翦桐

賢王祠在三岔河口香林苑側中祀 怡親王雍正十三年奉

勅建先是三年奉 賢王承 奏開滄州青縣減水二河并各建滾

旨查脩畿輔水利 奏開滄州青縣減水二河并各建滾 命營 田水石壩由是衛河入直沽者其勢少殺四年頒奉

田營成稻田六百二十三頃八十七畝逾年兩營稻 田或一莖三穗雙穗不特特踴進

呈

津門雜雪詩

四

邊布京山握筭忙如椽蠟炬照堂堂繡衣自徙當城駐

冠蓋通衢遍五綱

長蘆鹽法志 邊布之名昉於宋雍熙間其法募商 輸芻粟塞下而官給之蓋明代循之是曰邊鹽成

化六年滿史林成以深州等十三場陸路寫遠商 人不支鹽課遂致勸堆積請自本年為始每鹽

議大引合為四小引共重八百餘折漕白布一疋 前明京山等十四藩府每年各給鹽若干每引折

銀若干 國朝釐定課額因其舊例數目徵收因名京州 長

京師巡鹽御史署向在 蘆州 宣 歷 法 志 明 初 分 商 之 綱 曰 平 陽 之 綱

之河北 萬 宣 大 之 綱 曰 澤 潞 之 綱 曰 平 陽 之 綱

曰蒲州之綱 宣 大 之 綱 曰 澤 潞 之 綱 曰 平 陽 之 綱

當城岩 宣 大 之 綱 曰 澤 潞 之 綱 曰 平 陽 之 綱

東王公宅冷斜曛斑駁蒼苔掩斲紋尚有鬼神訶畫棟  
奎章曾揭卧松雲

明朝御馬監王之俊入

國朝為乾清宮五殿總督家天津曩時都人呼為東

聖祖幸其第賜有卧松雲匾

天后宮前泊賈舩相呼郎罷禱神筵宮碑剔蘚從頭讀  
署字都無泰定年

元史泰定帝本紀泰定三年八月作天妃宮於海

津鎮此則天津立廟之始舊志及碑碣皆不詳

秋草離離魚化橋科名盛事記前朝一枝仙桂重攀掇  
赤鯉蘭舟濺刺跳

魚化橋在舊衛學泮池上明成化乙酉有雙鯉躍

過是年劉鈺衛林同領鄉薦故名

雍正丙午金

庶子相入都秋試途次有鯉躍入舟中是年發解

三千蒂筏幽雍奴白浪青燐裹甲驅太息笥溝依舊綠  
蔽天鳧陣起菰蒲

舊唐書至德二載正月李忠臣以步卒三千自雍

奴為葦筏過海遠史地理志水經四面有水曰

雍不流曰奴富家邨並巨家莊往事無稽墮杳茫傳信傳疑多臆說  
名笥溝水按雍奴即三角渡訶天津武清二縣

呂壺城蹟異軍糧

天津衛志富家村在城南二十五里俗傳漢孝子

董永賣身葬親處

河南府志巨家莊在天津城

南二十里為巨無霸故里

畿輔通志呂壺城在

天津衛志軍糧城在城南七十里元海運為

屯糧之所一云劉仁恭所築

席旅雲屯脫練袍唐皇曾以駕征艘癯僧不省興亡事  
自補袈裟擅禡袖

慶國寺俗名掛甲寺相傳唐太宗征遼掛甲於此  
見明劉子中碑記

中春積雪一灘明好趁東風蕩槳行試問熬波人在否  
暝禽啼上角飛城

水經注趙記石勒使王述煮鹽於角飛城  
城即漂榆故城在天津府東

浣俗亭開十畝池傍池雜樹帶花移軟紅百丈都拋却  
清絕吾家金部詩

汪必東崇陽人正德十一年由戶部郎中出任天  
津戶部分司構有浣俗亭賦詩云十畝清池一壘  
臺病夫親與剪蒿萊泉通海汲應難酒樹帶花移  
六漸開小借江南留客坐遠疑林下伴人來方亭

津門雜言詩

曲檻雖無補也稱繁曹浣浴埃

六

鳴笳疊鼓爭調馬小隊元戎簇射堂最是看場人散後  
滿々暮雨冷鼓鄉

演武場在城西三里營鎮多較射其地旁為漏澤  
園

駢賊高閣接青冥甲乙籤排貝葉經靜倚闌干看落照  
忽聞天半響風鈴

稽古寺有藏經閣一名鈴鐺閣傑峙西郭可供遠  
眺康熙中釋舍光重葺竹垞檢討為記見曝書亭  
集

道人降筆小游戲六草三真妙入神不用石榴皮作字  
家々屏幃墨痕新

張某江南人寓天津扶鸞得席卧道人自言工八法流傳真蹟甚多

元日晴光盡不如靈慈宫外門香車琉璃瓶脆高擎過  
爭買朱砂一寸魚

天后宮舊名靈慈宮歲朝聞人咸走集焉宮前有鸞小紅奩者以琉璃瓶貯之

絲繒葉、接檐牙子夜風吹蠟蕊斜百病踏殘歌吹冷  
長街拾得七星花

津門燈市繁盛遠逾別郡上元日聞人夜遊名踏百病七星花津人新製步搖名

河東河北結長絙連臂來看草把燈繞盡黃河剛九曲  
蛻脂焰吐一層

草把燈築場數畝縛草為之高下然炬如畫中盤旋可十餘里遊者每迷所出按曰下舊聞載有

津門雜言詩

黃河九曲燈即草把燈也

七

落燈風過寸旬日卜取豐年碌碌場方約羅灰同打圍  
又呼布穀共填倉

津人於正月二十五日羅灰於地作圍形名曰打圍中置穀少許曰填倉為豐歲之兆

冰泮河干一水通家、糠末引錢龍爭教煎餅靈辰會  
顛倒翻移明庶風

二月二日邑人於通水處以糠穀末引黃龍至家名曰引錢龍是日食煎餅張功甫桂隱百課人曰作煎餅會

打色去趁曝經會乞食來尋鍛磨齋自咲頻年行脚慣  
僧寮著破筍皮鞋

六月六日稽古寺作曝經會

洋菊風前萬蕊攢鸞翎雀覽大於槃登高若續花糕宴  
不摘東籬白牡丹

津門近植洋菊數十種花朵纒艷迥踰凡品移根不變鸞翎雀覽皆洋菊名 天津衛志菊花有姓娃面白牡丹等名

少海東環斥鹵區空倉翔貴米如珠殊恩 特詔弛洋

禁齋樹雙桅出大沽

天津地介少海左盛京右登萊邑介南北之濱上瘠民貧兩賜偶愆每恃二處米石相接濟乾隆元年狼山鎮以閩粵大洋請嚴偷運之禁時部議內港近地仍不在禁例而天津少海未有明文山海關將軍李敏達公及總鎮黃公准天津朱南湖使

涇門雜言詩

八

君暫通海運條議先後具題奉旨俞允百萬飢氓並歌康阜矣雙桅單桅海海大小名大沽口河流入海處也

宜亭如笠倚斜陽堤上青青柳萬行為囑行人莫攀折

長條多是名公棠

宜亭在城西演武場月堤上康熙間朱觀察士傑建繞亭夾植楊柳行者忘暑今廢

非驢非馬骨權竒昂首高沙嶺下嘶殺賊未能捕賊

棧前宵尚戀枯萁

鹽山王某密寶城一曰挾急宿天津海口早行至高沙嶺為盜所殺所乘贏急走舊旅店以首擊門若訴寃者館人未悟也牽置廐中悲嘶不食旋躍出戶奔至尸所遂得王某見殺狀聞之官捕盜而寘諸法

呼許呼耶銜尾行千樯玉粒貢 神京若為少惜東南

力酸棗林邊買犢耕

元史武宗紀至大三年市耕牛農具給直沽酸棗林屯田軍

舉足秋鷹平楚颺居庸不憚驛亭長肯教作伴還鄉里

那學壺公縮地方

翁山文外王義天津人其行也嘗自天津至居庸一曰來往八百里因號八百里人身瘦小不多食欲惟日噉二麥餅脰毛長二寸許舉足秋鷹頂之滅沒每當平沙曠野欲心則直奔一樹以兩手抱樹其神乃定抱樹不牢則兩足又踏空馳去矣

三河古砦名三女遠宋中分帶水間誰道版輿淪朔漢

祗憑天塹瓦橋關

滄門雜言詩

宋史地理志清池有泥姑乾符巷姑三女小南河五砦政和三年改三女曰三河地理志謂宋種理復漢砦即今小直沽按宋史地理志謂宋種理復漢唐之舊惟燕雲十六州未入職方蓋指石晉以賜契丹也然據五代史周世宗顯德六年三月甲戌北征四月壬辰取乾寧辛丑取益津閏三月甲戌州癸卯取瓦橋關以為雄州五月乙卯取瀛州則已復一軍一州三關焉得謂十六州俱未入職方以宋史之誤也又據九朝編年備要宣和五年金人來歸燕京六州宋志謂金人滅契丹和燕京及涿易檀順景蓟六州志謂金人滅契丹和燕京改燕京為燕山府蓋武清至是始歸則其初遠宋分界常在武清清池之間宋史河渠志載王亞謂海口闊六七百步深八九丈三女砦以西濶四百步深五六丈以天所以限契丹也則直沽海口為遠宋之界明矣

幽蘭夕萎芸書閣缺月秋寒殘夢樓留得玉臺詩本在不教謝女擅風流

芸書閣詩集子友查蓮坡室人金氏遺稿也金諱  
至元字舍英詩格清拔孤秀不墮於黛習氣濟南  
趙秋谷宮贊為序以傳平樂府知府佟鏞配趙  
氏二十六而寡獨處一樓惟曉吟詠有祀竈及題  
遠塞圖二詩為世所傳晚跡殘夢主人因以名樓

柳綿脫盡水初肥雁齒紅橋指錦衣  
七尺烏蓬三尺篠  
樹惺惺底坐忘歸

金吾橋舊錦衣衛橋也在香林苑側垂楊接岫遊  
人多釣於此

穀兩寸過芒種前魚腥入市不論錢  
農師未識江瑤柱  
絕倒訛將海刺傳

近海產江瑤柱土人呼為海刺

一剪漳蘭溽暑消  
十千索價不嫌高  
洋船更載收香鳥

津門雜事詩

十

試蒸龍涎銀葉燒

五月後洋艘抵天津炎方花鳥無不屬集

驛路垂楊色乍勻  
恁恁如織拂河湄  
曾來只欠蘼蕪綠  
五字空吟潘舍人

楊青驛舊屬武清旋歸靜海今隸天津長安客  
話楊柳青地近丁字沽四面多植楊柳故名潘舍  
人李緯詩客路蘼蕪綠人家楊柳青

惹烟籠月影檀欒繡野簃  
前竹萬竿寄語錦網來  
歲脫  
莫忘燒筍鬪春盤

津門少竹水西莊繡野簃前後栽竹數畝翳鬱深  
翠不減江南

重紅複翠接村畦  
比屋都居花太醫  
劇愛小園蜂蝶鬧



籃輿日日掛偏提

小園村名在城西與大園相隣居人皆以藝花為業

河東屈曲水拖藍五五三三燕子龕好是一層樓上望  
遠帆如鳥屋如蚌

河東佛寺頗多一層樓在大悲院後

秋漲黏天迥不分青蒲獵獵水沄沄一坏知屬陽侯護  
剪斷銀波四烈墳

秋霖決旬積潦瀾望獨四烈墳孤峙水中不沒四烈者陳諸袁金四氏也

麦田刈得壓車翻餅餌風吹香滿村何處午涼堪卸馱  
青帘斜飈小黎園

津門雜言詩

壓車翻靠山黃水裏紅俱麥名見河間府志小黎園頭在邑南

螺黛無緣接坐間幾年飛夢繞孱顏夸娥若解憐岑窳  
丁字沽添朶朶山

天津四境無山

花天月地門觥籌占盡春風紅墜樓今日重尋園一畝  
燕泥無賴浣簾鉤

紅墜樓在一畝園魯菴張氏別墅

樓頭艷雪瑩於玉每課新詩到日西不及尚書有貯貯  
白楊作柱背鐙啼

佟鉞字蔗村長白人家世貴顯獨脫屣軒冕放情詩酒山水間僑居津門西郭外妾趙氏字艷雪色

藝兼擅築樓貯之名艷雪樓鉞早年詩學蘇陸一變而入大曆貞元之室惜鶉散佚無傳矣

入室渙洋詩弟子六歌聲價六街喧誰教渴奠棠梨下

腸斷西風温序魂

徐蘭字芝仙紹興人沒家常熟暮年緣事謫死天津著有出塞詩及集唐崇古象棋等六歌極為新城尚書賞譽

誰似七峰居士好堆牀金薤觸琳瑯橋亭卜硯新藏弃

玉帶生宜呼雁行

周月東焯號七峰藏有橋亭卜卦硯脩一尺餘廣五寸字謝文節公物背有程雪樓銘

吾愛詩人張笨山帆齋高卧屋三間阿兄枉自稱豪舉

垂老何曾得遂閒

津門雜事詩

張笨山名靈字念藝工詩古文帆齋其讀書處兄霖字汝作官福建布政園亭毅伎之盛甲於津門構有問津園及遂閑堂晚年被劾破家

千年魚腹恨難消想像金支踏暮潮回首麗春松兩樹

夜深風雨撼靈濤

明江西廬陵杜氏女名麗春隨父宦遊過天津隨水死女工詩生時於卧閣前手植釋松二株既歿母思女不寘因呼松為麗春土人言女死後時出水面華裾織袿如世所畫洛神狀後又降凡自言始末甚詳并函海天詞十首和蓮坡賞菊詩二首

湘公禪藻清無敵語帶烟霞自卷舒壓架葡萄延舊綠

草堂人去渺愁予

釋湘南名成衡嘉興人工詩畫著有一笠詩集葡萄草屋在寺西偏

臥松閣畔秋蛩絮慎雅堂前暮雨繁欲喚詩人魂不起  
籟聲悽絕老夫村

卧松館笨山張氏別業慎雅堂艾梁梁氏舊宅老  
夫村舊名寧圃後為東漢龍氏別墅三君皆津門  
詩人今得見者惟龍氏玉紅草堂集

摹印昔年數李老窺輻輳析秋毫有時謝客還自秘  
不是解人不奏刀

李釗字炳其號勉庵文安人流寓天津工摹印性  
孤介有不當意者雖千金不應也

東海聖人矜獨步磨丹漬墨秀才村縱教桂子落墳上  
仍是清門一品孫

相傳曩時海下無讀書者數十年來補博士弟子  
貧者惟鄭某一人俗稱曰東海聖人

津門雜事詩

三

麻衣如雪泣松楸丙舍天寒曉血流墓外隻頭荷早謝  
鄰人猶指舊虛舟

宋舊山名真儒江南蕪湖人僑居天津親死虛墓  
三年過者無日不聞哀號也墓前池內荷開益蒂  
人謂孝感所致虛舟墓旁屋名

出函踴跚人立啼前身傳說孝標妻艾緞知是臙脂席  
姑婦堂前湧勒谿

康熙丁亥二月晦日民家有孕產一物人面承身  
傳為悍婦所化

宦去緱山杳不還乘雲知控紫烟班聳肩舊說清吟苦  
抱甕園中獨閑闕

道士王聰字玉笈號野宦住香林苑能詩画抱甕  
園若樓居玉笈山房並在苑中

吳老

來儀江  
南人

彈碁品第一柳

維新浙  
江人

朱錫鬯

江  
繪事技

殊工黃圖他日編方技掌錄人才半寓公

三人皆流寓天津以老

百貨璘璣列肆排錢刀袞袞市成霾南風一夜漕船集  
越缶吳罌壓滿街

生子何須拜塾師居奇只唱耍孩兒清時特重三風誠  
心力拋殘等刺脂

津邑窳人子每命習唱連相詞一名耍孩兒新例  
禁止漸成廢散矣

論斛量珠買翠蛾佛妝新樣直沽多花船南北分裝去  
半入漳河半潞河

望門雜事詩

古

開山傳說割梅岑散白毫光有百尋迎得金沙馬郎婦  
果然隨處湧潮音

海光寺初名普陀未建寺前夜有白光高燭數丈  
大士像後

聖祖京師萬善寺延致隨震潮音

放眼危闌眉宇掀雞鳴萬丈碾朱輪扶桑待擬排雲去  
抗手相迎有羨門

望海樓在海下傳觀日出最佳

門外河流燕尾叉門前楊柳萬行斜拾遺分取雲孫住  
從此村呼小浣花

浣花邨在城西五里前臨大河杜氏所居

宋元墨妙貯千幘溢目古香散客襟沾水草堂風日好  
自攤書譜硬黃臨

沾水草堂蘇邨安氏別墅今廢蘇邨蓄書畫極富  
唐孫過庭書譜墨蹟以三千金購得之重摹上石  
其氣不失象黍陳香泉太守為書釋文一卷附錄  
其後

出郭嬉春花事繁康園寸過又懷園二分脩竹三分水

畢竟終推攬翠軒

慕園老人構園城西踞水西莊中有攬翠軒枕谿  
廊數帆臺候月舫繡野籬碧海浮螺亭藕香榭花  
影庵課晴閣雨雨諸膝康園在城外東南隅今歸  
牛氏名南溪懷園王氏別業城東五里

吳綾灑遍湛園墨姜編脩越紵歌殘秋谷詞趙官贊更

有蓮洋老徵士吳垂虹榭上日題詩

津門雜言詩

五

垂虹榭在張氏一畝園張氏傾贊結密前葦若梅  
定九朱竹垞查初白查浦朱字綠及姜趙諸公咸  
主其家時人有小玉山之目

滄泓七井何年坎擔水人憐頽兩肩爭似楊家岑畔住

煮茶日汲馬蹄泉

異泉井甜水井文井兩山井雙眼井總鎮署井普  
濟庵井城中七井也俱廢馬蹄泉在楊家岑沙  
陵旁深尺許周二丈餘甘美可飲

宗分北秀與南能不見瀛壖傳一燈除却草堂開白社

縑廬半是啞羊僧

大悲院釋世高與梁芟梁佟蔗村龍東溟張念藝  
黃六吉諸前輩共結草堂詩社

叢祠金碧俯河流懾伏天吳駕赤虬五月新坵人似蟻

船船簫鼓賽元侯

小聖廟在河東蓋地祀海神平浪元侯俗傳神姓  
滕諱經每年五月初旬遊人傾城而至

設險曾傳遏颶風七臺環峙海門雄而今王會通重譯  
零落旌竿夕照中

郡城外環列成臺七座傳為前明嘉靖時防倭而  
設

自昔名園闕盛衰免葵燕麦重徘徊李家樓閣吳家樹  
過眼風花付劫灰

李家樓閣吳家壽誰道君園尚不如沈通政一探  
過問津園句

葦甸波光晶晶函荷花荷葉送秋帆月明便合拏舟去  
消受香痕上葛衫

津門雜言詩

葦甸荷花爛如雲錦

十六

葛沽吹老杏花風草長鶯飛樹蔚紅可惜城中人不看  
年年冷眼讓鳧翁

葛沽杏花極盛淹滯三年未一寫目

不櫛書生不畫眉傳來艷絕海棠詩若教玉秤稱才子  
壓倒樓頭舊婉兒

閨秀許雪棠過時不嫁工詩文闕不示人傳播人  
問者惟十月海棠二首而已

彷彿魚梁競渡喧行人爭入帶河門市樓次第明燈上

飛盡羣雅烟水昏

天津城東西北三面瀕河各建浮橋 帶河北門  
名

青竹幾叢諄度信芳蘭夾徑擬羅含城中不少連雲第  
可有清閒似屋南

蓮坡昂季新闢小園於道南顏曰屋南小築夕膳  
晨羞以賦白華之養午晴樓花香石潤之堂送青  
軒小丹梯玉笠亭若查讀書廊月明擲笛臺萱蘇  
徑皆小築中勝處也

春網家薦巨羅鰒魚風味可同科樽前也有涑材嘆  
縱說騰香恨刺多

畿輔通志巨羅魚一名騰香魚細鱗多刺天津

鷓鴣鰈子小於萍販得鮮回盡入城青鯽白蝦充饌好  
登盤湏遜女兒煙

裙帶煙女兒煙並產泥沽葛沽寺處

津門雜言詩

五

生計惟憑舊釣車魯魚網罷網羊魚更臨葦岫烹回網  
便嗽西施乳不如

魯魚羊魚並出天津見畿輔通志回網魚不受  
釣鉤遇網即回漢人以叉得之味腴美尉水族俗  
訛鉤鯉

故人多感促南轅旅味絨書樓指論二月河純十月蟹  
兩般也合住津門

天津衛志津門蟹肥美甲天下蘆芽茁岸河純  
壓擔皆是長安貴人每急遞致之

水月池邊啼夜烏舊遊如夢總糝糊三更被酒城南路  
記買橋頭巨口鱸

水月池在城南水月庵旁城中有水窪五畝其一  
也志局向設枝士館適當其地三更買鱸紀一時

酒豪會飲八人落落若晨星矣

沙虹作對大盈尺  
汐水初平撈滿簾  
方物年年充驛使  
也隨東鯨與西鷄

沙虹鰕名 天津近海產對鰕大者踰尺

小圃金錢摘滿筐  
夜闌聞雨滴糟牀  
酒痕莫惜通身浣  
好借當筵太保黃

天津市點多以菊名 太師黃太保黃俱菊花名 見天津衛志

紅白雙翎競羽翰  
雕籠深鎖避人看  
上林料止珍禽貢  
枉費黃金作彈丸

白翎紅翎皆雀類並產天津

津門雜事詩

八

拆拆洗洗燈下鳴  
紅閨嬾婦中宵驚  
漂榆城畔秋意早  
故園刀尺空含情

拆拆洗洗秋蟲名啼聲似之

韉紅歐碧色相兼  
鹿韭雙株高倚檐  
彷彿南泉精舍見  
當堦一朶手重拈

寶林庵牡丹兩株長逾尋丈

出水新荷颭蕊枝  
蘭襟孤負蘸青泥  
海鷗小譜回環讀  
怡悵重来杜牧之

濟南趙秋谷宮贊留密天津多北里遊著有海鷗小譜皆記所遇也蕊枝才色對儕軍宮贊有新荷出水飛鳥依人之目又有贈蕊句云如何兩度臨滄海不見青泥蘸密襟



梧桐葉葉忽吟秋雲影如波翠欲流風月直沽空自好  
阿儂不減一分愁

直沽風月可消愁明朱晞顏客津門句也

班班車子入河閒踈路應知一破顏惟有吟場忘不得

尹見灣接信安灣

方輿紀要尹兒灣在城東信安灣在城西北按  
尹兒灣即今北倉左右方輿紀要說似誤

水經山誌費爬羅耐爾零編盡簡何儲說暫留添掌故  
湯勞譜入竹枝歌



